

國立編譯館專任編譯
孫復工編

中學國文特種讀本

第一冊

國立編譯館

中華民國二十二年九月初版

(一〇四六四)

中學國文特種讀本二一冊

第一冊定價大洋壹元叁角

外埠酌加運費匯費

編纂者

國立編譯館
專任編譯

孫俚工

出版者

國立編譯館

發行人

王

雲

五

上海河南路

印刷所

商務印書館

上海河南路

發行所

商務印書館

上海及各埠

版 權 所 有
翻 印 必 究

(本書校對者楊會勳) 榮

中學國文特種讀本

編輯例言

一、本書以喚醒我國固有民族精神爲主旨。

一、本書選材標準：

1. 對於我民族發展上有關係的先民著述及傳記；

2. 含有抵抗外侮，不屈不撓的精神的論著及抒情文；

3. 當代革命先輩之論著及詩歌；

4. 國外富於愛國思想之文藝作品。

一、本書以體裁爲綱，其排列次序：

1. 紀敘文——包括記事、敘事、名人傳記、逸事、歷史資料及抒情小品等；

2. 論說文——包括名人論著演說等；

3. 文藝——包括小說、戲劇、詩、詞等。

一、本書暫選上下兩冊。上冊供初級中學之用，下冊供高級中學之用。得與正式課本參差教學。

一、本書每篇之末附：

1. 解題
2. 作者傳略
3. 注釋
4. 參考書

中學國文特種讀本 第一冊 初中用

目錄

孫中山先生自傳	一
廖仲愷先生傳略	三六
汪兆銘	
林覺民傳	四五
大東溝之戰	五二
羅惇融	
威海衛燬師記	五六
羅惇融	
割臺記	五九
羅惇融	
左寶貴死難記	六七
振鏞	
滬戰與科學	七五
林繼庸	
我亦一講中山先生	八一
吳敬恆	

執信的人格

汪兆銘

八七

平和奮鬪救中國

汪兆銘

九六

求學與立志

蔣中正

九九

中華民族自救之道

戴傳賢

一百七

怎樣纔配稱做現代學生

蔡元培

一一七

哀思

陳西滢

一二九

獻給戰死的學友

汪禔

一三五

與妻書

林覺民

一三九

給父親的信

木婁

一四三

濟南城上

楊振聲

一四八

恥辱之夜

張佐華

一五八

最後一課

胡適譯

一七五

柏林之圍	胡適譯	一八二
復仇(獨幕劇)	孫俚工	一九一
被逮口占	汪兆銘	二百三
旋軍歌	黃遵憲	二百五
軍中歌	黃遵憲	二百七
軍歌	羅家倫	二百九

中學國文特種讀本第一冊

孫中山先生自傳

夫事有順乎天理，應乎人情，適乎世界之潮流，合乎人羣之需要，而爲先知先覺者所決志行之，則斷無不成者也。此古今之革命維新興邦建國等事業是也。予之提倡共和革命於中國也，幸已達破壞之成功，而建設事業雖未就緒，然希望日佳，予敢信終必能達完全之目的也。故追述革命原起，以勵來者，且以自勉焉。

夫自民國建元以來，各國文人學士之對於中國之著作，不下千數百種，類多道聽途說之辭，鮮能知革命之事實。而於革命之原起，更無從追述，故多有本於予之倫敦被難記第一章之革命事由。該章所述，本甚簡略，且於二十餘年之前，革命之成否，尙爲問題，而當時雖在英京，然亦事多忌諱，故尙未敢自承與中會爲予所

創設者，又未敢表示與中會之本旨爲傾覆滿清者，今於此特修正之，以輔事實也。茲篇所述，皆就予三十年來所記憶之事實而追述之。由立志之日起至同盟會成立之時，幾爲予一人之革命也，故事甚簡單，而於贊襄之要人，皆能一一錄之無遺。自同盟會成立以後，則事體日繁，附和日衆，而海外熱心華僑，內地忠烈士，各重要人物，不能一一畢錄於茲篇，當俟之修革命黨史時，乃能全爲補錄也。

予自乙酉中法戰敗之年，始決傾覆清廷創建民國之志，由是以學堂爲鼓吹之地，借醫術爲入世之媒，十年如一日。當予肄業於廣州博濟醫學校也，於同學中物識有鄭士良號弼臣者，其爲人豪俠好義，廣交遊，所結納皆江湖之士，同學中無有類之者。予一見則奇之，稍與相習，則與之談革命。士良一聞而悅服，並告以彼曾投入會黨，如他日有事，彼可爲我羅致會黨以聽指揮云。予在廣州學醫甫一年，聞香港有英文醫校開設，予以其學課較優，而地較自由，可以鼓吹革命，故投香港學校肄業。數年之間，每於學課餘暇，皆致力於革命之鼓吹，常往來香港澳門之間，大

放厥辭，無所忌諱。時聞而附和者：在香港祇陳少白、尤少紈、楊鶴齡三人；而上海歸客則陸皓東而已。若其他之交游，聞吾言者，不以爲大逆不道而避之；則以爲中風病狂相視也。予與陳、尤、楊三人常住香港，昕夕往還，所談者莫不爲革命之言論，所懷者莫不爲革命之思想，所研究者莫不爲革命之問題，四人相依甚密，非談革命則無以爲懽，數年如一日，故港澳間之戚友交游，皆呼予等爲四大寇。此爲予革命言論之時代也。

及予卒業之後，懸壺於澳門、羊城兩地以問世，而實則爲革命運動之開始也。時鄭士良則結納會黨，聯絡防營，門徑旣通，端倪略備。予乃與陸皓東、北游、京津，以窺清廷之虛實，深入武漢，以觀長江之形勢。至甲午中東戰起，以爲時機可乘，乃赴檀島、美洲，創立興中會，欲糾合海外華僑以收臂助。不圖風氣未開，人心錮塞，在檀鼓吹數月，應者寥寥，僅得鄧蔭南與胞兄德彰二人，願傾家相助，及其他親友數十人之贊同而已。時適清兵屢敗，高麗旣失，旅威繼陷，京津亦岌岌可危。清廷之腐敗

盡露，人心憤激，上海同志宋躍如乃函促歸國，美洲之行，因而中止，遂與鄧蔭南及三五同志返國以策進行。欲襲取廣州以爲根據，遂開乾亨行於香港爲幹部，設農學會於羊城爲機關。當時贊襄幹部事務者，有鄧蔭南楊衢雲黃詠商陳少白等，而助運籌於羊城機關者，則陸皓東鄭士良並歐美技師及將校數人也。予則常往來於廣州香港之間。慘淡經營，已過半載，籌備甚周，聲勢頗衆，本可一擊而生絕大之影響，乃以運械不慎，致海關搜獲手槍六百餘桿，事機乃洩，而吾黨健將陸皓東殉焉！此爲中國有史以來爲共和革命而犧牲者之第一人也。

同時被株連而死者，則有丘四朱貴全二人；被捕者七十餘人，而廣東水師統帶程奎光與焉，後竟病死獄中，其餘之人或囚或釋。此乙未九月九日，爲予第一次革命之失敗也。

敗後三日，予尙在廣州城內，十餘日後，乃得由間道脫險出至香港。遂與鄭士良陳少白同渡日本，略住橫濱。時予以返國無期，乃斷髮改裝，重遊檀島；而士良則

歸國收拾餘衆，布置一切，以謀捲土重來；少白則獨留日本，以考察東邦國情。予乃介紹之於日友菅原傳，此友爲往日在檀所識者。後少白由彼介紹於曾根俊虎，由俊虎而識宮崎彌藏，卽宮崎寅藏之兄也。此爲革命黨與日本人士相交之始也。

予到檀島後，復集合同志以推廣興中會，然已有舊同志以失敗而灰心者；亦有新聞道而赴義者。惟卒以風氣未開，進行遲滯，以久留檀島，無大可爲，遂決計赴美，以聯絡彼地華僑，蓋其衆比檀島多數倍也。行有日矣，一日散步市外，忽遇有馳車迎面而來者，乃吾師康德黎與其夫人也。吾遂一躍登車，彼夫婦不勝詫異，幾疑爲暴客，蓋吾已改裝易服，彼不認識也。予乃曰：『我孫逸仙也。』遂相笑握手。問以何爲而至此，曰：『回國道經此地，舟停而登岸流覽風光也。』予乃趁車同遊，爲之指導，遊畢登舟，乃告以予將作環繞地球之游，不日將由此赴美，將隨到英，相見不遠也，遂歡握而別。美洲華僑之風氣蔽塞，較檀島尤甚，故予由太平洋東岸之三藩市登陸，橫過美洲大陸，至大西洋西岸之紐約市，沿途所過之處，或留數日，或十

數日，所至皆說以祖國危亡，清政腐敗，非從民族根本改革，無以救亡，而改革之任，人人有責。然而勸者諄諄，聽者終歸藐藐，其歡迎革命主義者，每埠不過數人或十餘人而已。

然美洲各地華僑，多立有洪門會館。洪門者，創設於明朝遺老，起於康熙時代。蓋康熙以前，明朝之忠臣烈士，多欲力圖恢復，誓不臣清，捨生赴義，屢起屢蹶，與虜拚命，然卒不救明朝之亡。迨至康熙之世，清勢已盛，而明朝之忠烈亦死亡殆盡，二三遺老，見大勢已去，無可挽回，乃欲以民族主義之根苗，流傳後代，故以反清復明之宗旨，結爲團體，以待後有起者，可藉爲資助也。此殆洪門創設之本意也。然其事必當極爲祕密，乃可防政府之察覺也。夫政府之爪牙爲官吏，而官吏之耳目爲士紳，故凡所謂士大夫之類，皆所當忌而須嚴爲杜絕者，然後其根株乃能保存，而潛滋暗長於異族專制政府之下。以此條件而立會，將以何道而後可？必也以最合羣衆心理之事跡，而傳民族國家之思想，故洪門之拜會，則以演戲爲之，蓋此最易動

羣衆之視聽也。其傳布思想，則以不平之心，復仇之事導之，此最易發常人之感情也。其口號暗語，則以鄙俚粗俗之言以表之，此最易使士大夫聞而生厭遠而避之者也。其固結團體，則以博愛施之，使彼此手足相顧，患難相扶，此最合夫江湖旅客無家遊子之需要也。而最終乃傳以民族主義，以期達其反清復明之目的焉。

國內之會黨，常有與官吏衝突，故猶不忘其與清政府居於反對之地位，而反清復明之口頭語，尙多了解其義者。而海外之會黨多處於他國自由政府之下，其結會之需要，不過爲手足患難之聯絡而已，政治之意味殆全失矣，故反清復明之口語，亦多有不知其義者。當予之在美洲鼓吹革命也，洪門之人，初亦不明吾旨，予乃反而叩之反清復明何爲者，彼衆多不能答也。後由在美之革命同志鼓吹數年，而洪門之衆乃始知彼等原爲民族老革命黨也。然當時予之遊美洲也，不過爲初期之播種，實無大影響於革命前途也。然已大觸清廷之忌矣，故於甫抵倫敦之時，卽遭使館之陷，幾致不測，幸得吾師康德黎竭力營救，始能脫險。此則檀島之邂逅，

真有天幸存焉！否則吾尙無由知彼之歸國，彼亦無由知吾之來倫敦也。

倫敦脫險後，則暫留歐洲，以實行考察其政治風俗，並結交其朝野賢豪。兩年之中，所見所聞，殊多心得，始知徒致國家富強，民權發達，如歐洲列強者，猶未能登斯民於極樂之鄉也。是以歐洲志士，猶有社會革命之運動也。予欲爲一勞永逸之計，乃採取民生主義，以與民族民權問題同時解決。此三民主義之主張所由完成也。時歐洲尙無留學生，又鮮華僑，雖欲爲革命之鼓吹，其道無由。然吾生平所志，以革命爲唯一之天職，故不欲久處歐洲，曠廢革命之時日。遂往日本，以其地與中國相近，消息易通，便於籌畫也。抵日本後，其民黨領袖犬養毅遣宮崎寅藏、平山周二人來橫濱歡迎，乃引至東京相會，一見如舊識，抵掌談天下事，甚痛快也。時日本民黨初握政權，大隈爲外相，犬養爲之運籌，能左右之。後由犬養介紹，曾一見大隈、大石、尾崎等，此爲予與日本政界人物交際之始也。隨而識副島種臣及其在野之志士如頭山平岡、秋山、中野、鈴木等，後又識安川、犬塚、久原等。各志士之對於中國革

命事業，先後多有資助，尤以久原犬塚爲最。其爲革命奔走始終不懈者，則有山田兄弟，宮崎兄弟，菊池萱野等。其爲革命盡力者，則有副島寺尾兩博士。此就其直接於予者而略記之，以誌不忘耳。其他間接爲中國革命黨奔走盡力者尙多，不能於此一一悉記，當俟之革命黨史也。

日本有華僑萬餘人，然其風氣之錮塞，聞革命而生畏者，則與他處華僑無異也。吾黨同人有往返於橫濱神戶之間，鼓吹革命主義者，數年之中而慕義來歸者，不過百數十人而已。以日本華僑之數較之，不及百分之一也。向海外華僑之傳播革命主義也，其難固已如此；而欲向內地以傳布，其難更可知矣。內地之人，其聞革命排滿之言而不以爲怪者，只有會黨中人耳。然彼衆皆知識薄弱，團體散漫，憑藉全無，只能望之爲響應，而不能用爲原動力也。由乙未初敗以至於庚子，此五年之間，實爲革命進行最艱難困苦之時代也。蓋予旣遭失敗，則國內之根據，個人之事業，活動之地位，與夫十餘年來所建立之革命基礎，皆完全消滅，而海外之鼓吹，又

毫無效果。適於其時有保皇黨發生，爲虎作倀，其反對革命，反對共和，比之清廷爲尤甚。當此之時，革命前途，黑暗無似，希望幾絕，而同志尙不盡灰心者，蓋正朝氣初發時代也。

時予乃命陳少白回香港，創辦中國報，以鼓吹革命；命史堅如入長江，以聯絡會黨；命鄭士良在香港設立機關，招待會黨，於是乃有長江會黨及兩廣福建會黨并合於興中會之事也。旋遇清廷有排外之舉，假拳黨以自衛，有殺洋人圍使館之事發生，因而入國聯軍之禍起矣。予以爲時機不可失，乃命鄭士良入惠州，招集同志以謀發動；而命史堅如入羊城，招集同志以謀響應。籌備將竣，予乃與外國軍官數人繞道至香港，希圖從此潛入內地，親率健兒，組織一有秩序之革命軍，以救危亡也。不期中途爲奸人告密，船一抵港，即被香港政府監視，不得登岸，遂致原定計畫不得施行。乃將惠州發動之責，委之鄭士良；而命楊衢雲李紀堂陳少白等在香港爲之接濟；予則折回日本轉渡台灣，擬由台灣設法潛渡內地。時台灣總督兒玉